

24072
=2

秋左堂集卷二

偶題三次明月堂韻

嘉定孫致彌愷似著



一桁湘簾卷碧天綠窗依約泛樓船檀槽曲響春雲
外翠袖香消莫靄前竹影禁風緣底瘦菱花如月爲
君圓玉臺詠就還多暇琴譜茶經次第編

贈秬翁次錦機韻

廿載滄江問息機偶呼吟伴啓雙扉孤采骨老何妨
病野雀神清不稱肥龍漢劫餘新恨在華胥夢破舊

游非相過最愛西堂好荷芰參差好製衣

答稚翁問閩中花木再次前韻

草木重教疏陸機追思嶺表宿山扉荔枝樹暗紅蕉
潤棕竹林疎白藕肥桐葉共驚風土別柑花還訂畫
圖非春殘已有珠蘭放到處清香染客衣

寓意四次前韻

銀河何處問支機烏鵲橋邊玉女扉碧慮曉寒螺黛
淺紅蕤春暖麝薰肥阮劉去後桃花改王謝歸來鷺
子非惆悵月明人不寐柳塘風露濕羅衣

夏臣移居索贈

水竹南邨久結廬忽歸城市復何如故人恰喜芳鄰

近謂曉曉名士無妨穢里居狂想程鄉千斛酒貧惟

楊子一牀書因君忽動移家興擬向深山學荷鋤

其二

不嫌湫隘寄蘧廬野雀閑雲信所如師友過從爭覓

句弟兄南北並移居漢臣近遷語枕中自秘淮王蹟

帳底仍分仲任書不厭羊求來往數蓬蒿三徑共揮

鋤

惆悵詞十首

探鈎纔罷又迷藏
月下花前百種狂
可但休文歌六
憶教儂何處不思量

其二

莫笑清狂喚奈何
愁多無邨爲情多
月明袴褶雙丸
髻腸斷林間一曲歌

其三

珠箔銀屏靜夜分
玉容如月意如雲
情知近日相思
慣身在君旁也夢君

其四

瑤臺月下小神僊
一夜罡風返碧天
獸對姮娥無意
緒愛他光瑩妬他圓

其五

傾城名士兩心知
密約離情數首詩
莫怨無緣同翠
被未曾相識已相思

其六

荷香剪剪碧梧陰
並蒂花前思不禁
記得夜珠臨水
檻壁人纖手剝蓮心

其七

香燼燈昏薄醉時
柔情如水淚如絲
赤闌橋畔春楊柳
不管團圓樂管別離

其八

夢裏凭肩繡幙前
醒來燈影照孤眠
已甘妾命如雲薄
邨得郎心侶月圓

其九

一幅蕉心宛轉封
三秋消息託青鐘
殷勤就裏無多語
莫為相思減玉容

其十

七夕來時信杳然
銀河咫尺抵經年
清宵酒薄難成夢
寫盡菖蒲十樣箋

七月九日秬園世執招同西又亮文漢臣曉思
民譽大年位共服尹元行會於歲寒亭并邀菊
隱師掌亭姑夫翰臣世執克生表舅氏及家大
人拈韻各賦一體是日秬翁改亭為始學菴西
又題額余得麻字五言排律二十四韻

亭館新秋好涼風灑碧紗
一池清自照千樹綠交加

尚想支機石初歸貫月查偶移霸運屐因命呂安車
路轉荷香近橋迴柳色遮人倫推陸續耆舊重侯芭
詞賦悲秋氣襟期感歲華白頭溫舊學青眼集名家
蘊藉傳三絕才情競八義興因尋水石病亦帶煙霞
放達同張翰清狂即孟嘉美元兼竹箭交許雜蓬麻
共說從先進相知擬上邪機忘棋更賭情重酒頻賒
斜日聞吹笛迴風憶聽撾分題書藕葉促坐隱藤花
萍動魚知樂林深鳥不譁千竿君子竹五色故侯瓜
桂月銀缸焰松風石鼎茶論心推鳳鵠題額走龍蛇

訪道曹溪水游仙勾漏砂陣圖閒看蟻鼓吹久驅蛙
霄漢期無阻乾坤信有涯壯心千里在伏櫪莫長嗟

又同大年覃字

應識楊雄宅新題始學菴殘編存夏五薄俗笑朝三
砌暝蛩相語池涼酒半酣玄經如已就倘許示桓譚
又同曉思鹽字

新秋開竹徑微月坐湘簾才大論詩細名高取友嚴
石欹應號醉泉小合名廉自覺塵襟遠無辭竟日淹
將之閩中留別同學諸子

春風啼鳥惜離羣廿載心期託數君明月堂名花深爭
覓句宜春閣名香暖細論文枕榔樹裏人千里楊柳樓
頭酒百分同學弟兄俱寂寞臨岐攜手倍殷勤

其二

共向丹青結勝緣曲闌深院會神僊春風按拍黃金
縷夜雪分題碧玉箋錦障燈迴花不定珠樓簫轉月
俱圓閩山萬里歸期遠拋撇韶華又一年

別母

何處難為別高堂拜老親行時添線密去後倚閭頻

身賤羞稱客時危轉幸貧歸期應不遠清淚莫沾巾

西湖偶題

垂柳溪頭欵乃微淺堤芳草鷺雙飛春殘中酒心情
倦客裡看花伴侶稀一水碧凝妝鏡曉萬山青鎖畫
屏圍玉津園畔多名勝陌上還歌緩緩歸

其二

湖上風光有舊期春城倚棹轉淒其碧山樓閣如看
畫朱邸衣冠似奕棋故國煙花殘衣錦陰房枯柏閃
靈旗客中無限興亡感酌酒平蕪有所思

萬松嶺同二兄摘茗及野花作

放棹西湖上輕裝復此行萬松天籟遠孤嶂夕陽明
坐石徵茶種逢人問草名南屏猶在望隱隱暮鐘聲
富陽至桐廬道中偶成

夷猶雀舫寄漁灣野雀溪雲共往還欹枕終宵聽碧
水推篷無處不青山桐花桑葉經春密紙碓魚邨盡
日閑如此客游良不惡朝朝身在畫圖間

衢州

山報雞鳴近人從鳥道來扁舟輕似葉懸溜碧干苔

橘柚春煙合丹青晚照開定光遺蛻在幾見劫餘灰
過嶺

羣峰岿嶮逕纔通縹緲籃輿侶御風但恠泉飛青嶂
頂不知身在白雲中千盤石棧龍蛇屈百戰重關虎
豹空懷古思鄉情併切鷓鴣聲裏杜鵑紅

其二

返照深松護遠村千山紫翠鏤黃昏上方直覺星辰
逼下界虛傳雷雨喧疏鑿尚疑傷地脈夢魂應自近
天門行裝恨少驚人句搔首青冥與細論

其三

飛泉百道界嶙峋野店繁花別有春蜂逐採蘭歸洞
女犬隨挑筍趁墟人畚田綠草雞豚聚竹屋黃茆虎
豹鄰箬帽邛翁看水碓軻輶蠻語自相親

其四

翠微遙望白雲重鳥道蛇盤失去踪環珮夜鳴千澗
水笙簧晴響萬山松陰崖入夏多青虺宿莽先秋已
亂蛩自是嶺南風土別叅天楓桂綠陰濃

送靖南王子兵部耿近龍先生還

朝

無諸臺畔挹清塵驛館東風柳色新綵服乍辭梁苑
月錦帆重指帝城春一時忠孝心俱切三世交親久
更真 聖主若求詞賦客莫言司馬倦游人

其二

百年帶礪靜煙塵再世移封寵命新青史功名光日
月雲臺圖像動星辰鶯花爛熳趨朝候貂錦從容報
主身可但承明傳著作看君黃閣畫麒麟

福州道中

指點三山近輕雲護翠微曉煙榕葉暗春雨蔗田肥

野女脩樓笠溪人浣氎衣啼鶻苦竹裏爭道不如歸
侍家大人謁靖籙紀事十首

萬山廻抱越王都異姓真王再剖符紫葉崇封存帶
礪百年窮寇靜孫盧牙璋夜掣旌旄擁玉帳晨開劔
佩趨肯信朱門公讌晚獨將客禮待潛夫

其二

雲泥踪跡向誰論廿載琴書滯海濱總爲衛青容揖
客便令王粲樂從軍自言忠孝先王志不負提攜故
將恩幕下只今皆裂土幾人流涕過州門

其三

瑤池青鳥信初沈鳳馭蠶飄不可尋

太妃初薨旋有
慈和皇太后之

變此日君親情併切向來忠孝感俱深璽書鄭重頭

成雪

特旨
慰唁

哀詔淒涼淚滿襟報主更看威德遠島

夷今已貢南金

荷蘭國
王入附

其四

先王祠廟枕江臯褒鄂英靈間氣豪箕尾十年遺劔
烏風雲萬里護旌旄紫朝玉檢絲綸重百戰豐碑姓
氏高濟美只今推耿弇橫戈碧海靜波濤

其五

連營風卷繡螯孤突騎星馳金僕姑老將親提青雀
舸健兒俱號黑雲都銀鞍騾裏嘶宛馬錦薦流蘇掣
紫駝閩海共誇軍實盛好消烽火壯皇圖

其六

百粵威名節制同一時蓮幕聚英雄奇才豈獨收王
猛大將還看拜呂蒙玉帳金貂新敵愾綸巾羽扇舊
從戎相逢共話蓬萊閣蜃氣波光感慨中

其七

朱邸承家有鳳雛斑斕貂錦鯉庭趨藍田同種無非
玉滄海分流總是珠弓冶早看承爵土簪裾還見盛

文儒

近龍中乙未進士

更傳消息銀河近自識朝廷禮數殊

四世子尚主大婚卜於冬閒

其八

旌門朱旭閃龍蛇小殿從容錦幙遮涕淚縱橫陳舊
事鬢毛蕭颯感年華氍毹玉簟邀同座酥酪金壺喚
點茶自是王門恩禮重蒯緱何事苦思家

其九

隱隱湘簾小閣青
殷勤重與話平生
殿門雲護蛟龍氣
閣道風嚴劔戟聲
畫卷書籤供笑傲
筆牀棋局互縱橫
內官更進雕盤饌
推解恩深賦不成

其十

連雲甲第氣葱龍
賜館深慚北寓公
畫閣平臨修竹苑
朱門斜對曜華宮
衣冠笑詠金尊月
簾幙深沈玉笛風
珍重賢王頻授簡
枚臯詞賦恐難工

上靖南王三世子哆囉額駙耿公

雲臺遺像動星辰
索葉功名寵命新
宿衛每瞻天咫

尺趨庭親捧帝絲綸
雕弓夜控闕山月
彩筆晴搖上苑春
最是先皇恩澤重
年季陪宴到龍津

其二

芙蓉池上見陳思
八斗才華七步詩
棊几名香彈綠綺
璫窗銀燭寫烏絲
湖山逸興歸橫槊
風月佳時算劫棋
自愧應徐詞賦拙
西園飛蓋許追隨

贈左翼徐凌圖都督

麒麟生面鬣毛蒼
一劔曾經百戰場
解甲正聞歌杖杜
彎弓直擬挂扶桑
千軍組練歸油幕
十步笙簫擁

畫堂保障東南功不淺秋風碧海靜舸艍

贈右翼右都督精奇尼哈番呂勒庭

玉帳威名兩粵同綠沈金鑠見英雄白衣夜渡珠江
月赤馬秋騰劔浦風節制貔貅千里外從容貂錦萬
人中仍聞天子開磨閣留待征南第一功

贈全閩提督三等侯馬小山

武林家世本專征絕域爭傳敢戰名大將別開都護
府通侯新領伏波營鐘回白虎三軍合帳掩青龍八
陣成萬里扶桑看紀績便移銅柱到榕城

送杜泰際都督提督全閩水師之任同安

鎮南方略久知名幕府風流屬老成豹隱十年存舊
德龍驤千里重專征璽書春動旌旗色樓艦宵嚴鼓
角聲自是 聖朝倚毗切指揮行見海波平

新正二日坐雨東大年及天立上人

荏苒俄驚歲序移簾櫳香暖晝遲遲梅花人日知何
處芳草西堂又一時今雨柴門無客到夕陽竹院負
僧期東風消息燒燈近併入宜春絕妙辭

是歲試燈
日立春約

賦東風第一
枝記之

秋夜書感示賓臣大年服尹箕野

一夕涼颼百感生
蕭蕭殘葉下簾旌
挽車吾自悲龍具
負鼎人誰享
雉羹酒後當歌頻
太息燈前顧影忽
傷情向來哀樂元
無主又聽晨鐘第一聲

其二

五岳崢嶸未易平
龍淵知我亦龍鳴
生如子羽甘頭責
命似靈均少目成
失意事多疑噩夢
知心人遠認前生
年華荏苒清狂減
誰解王與此夜情

和歸孟游秋聲原韻四首與西又大年諸君同

賦

虫聲

清宵欹枕動愁思
衰草空堦獨聽遲
似有機絲催急

響若為琴軫叶新辭

琴曲有蟋蟀吟

燈殘山雨沉吟夜

用唐人雨

中山果落燈下草虫鳴句

賦就秋聲歎息時
為爾淒涼眠不得
豆

花微月下疎籬

雁聲

霜信初傳悵失羣
楓江荻岸往來勤
長門燈暗仍秋早
湘浦沙明恰夜分
何處相呼驚獵火
幾行斜度叫

寒雲瀟瀟風雨殘鐘外不是征人也怕聾

落葉聲

井梧搖落夢初回愁聽蕭蕭覆酒盃波起洞庭千樹
晚雲飛隴首數聲來時兼猛雨敲虛牖暗卷微風響
廢臺九月寒砧催不盡哀笳吹過拂龍堆

搗衣聲

誰家搗練對秋輝響徹寒空夕思依似訴藁砧虛破
鏡競催刀尺寄征衣玉關風好吹難盡錦石霜清聽
漸微因料流黃猶半卷空房還怯夜深歸

再和秋聲四首

虫聲

淒切如傳宋玉思衰桐斜月夜遲遲苔堦露井聽難
盡酒醒燈昏坐不辭更漏漸移吟倦後荒雞未警夢
回時徘徊別有傷心客清淚無端滴短籬

雁聲

紅葉關河自喚羣寒枝揀盡漫辛勤夜亭霜緊還低
度秋浦風高又遠分陣陣暗驚吳苑雨行行斜叫楚
峰雲憑誰譜入湘靈瑟一曲哀絃不忍聞

落葉聲

一別霜林更不回
亭臯誰共把深杯
稍飛樹杪羈魂
斷忽下簷前獨鳥來
僊梵清機叅靜夜
用李頎
聞梵句哀蟬
餘響落荒臺
何堪楊柳蕭疎盡
更有橫吹阿濫堆

搗衣聲

一片清砧競夕輝
遼西無夢思依依
誰家夜靜初停杵
何處秋深不授衣
斷續自隨風遠近
淒清如訴露霏微
無因燈下聞裁剪
玉珮琤琮趁月歸

同介修孟游集元夫園居即事抒懷共得長句

七首

落木蕭蕭夕靄微
浣花溪下叩吟扉
澆愁竹葉頻中聖
監義松枝共解圍
晚歲龍蛇宜蟄伏
寒空雕鷲待高飛
年來未覺清狂減
歡劇先拚秉燭歸

其二

朱絃寥落賞音微
尊酒論心靜掩扉
遮莫文章供齒頰
庠須愁病減腰圍
馱馱七日堪千里
大鳥三年始一飛
醉拂吳鉤談轉劇
主人忘送客忘歸

其三

雲霧江天隱少微猶存處士舊松扉蓬蒿卜築仍三
逕楊柳當門已十圍剩有詩瓢隨筆冢豈知雌伏勝
雄飛湘纍一去餘芳草哀此吟殘竟不歸

孫是日讀三易集未刻
稿先中丞祭文有感

其四

梁苑歸來意氣微蕉花榕樹憶山扉天魔小隊教盤
折駿馬千蹄試打圍金盒檳榔心尚醉冰甌荔子夢
還飛難忘朋舊螺江道手把將離掩涕歸

懷幕府及
三山諸子

荅介脩問
游之問兼

其五

碧雲日暮轉霏微忽有離愁到竹扉鄧尉瘦筇孤月

冷秋孫居
西山

羊腸匹馬萬山圍

西又之
山

鄉心西寄寒梅

發旅夢南隨候雁飛詩酒襟期餘數子賡酬還待遠

人歸

懷西又秋孫兼簡
侯王沈申諸子

其六

別裁偽體到纖微月下推敲侶有扉韻險疑登九折
坂詩成如破萬重圍酒依金谷尋常罰觴擬杯湖遠
近飛頗憶西鄰陳孺子紅箋同擘醉同歸

指又
白也

其七

聽鶯橋畔月微微佛火齋鐘隱夕扉諸葛祠堂衰草

合徐官保張杜陵茅屋斷垣圍程先生因思野客杯

同泛陸天逸寓竹林院閣何處高僧錫解飛今古茫茫多少恨

清溪相送夜深歸醉後野

和陳又白梅花居雜詠原韻

卜宅南村更向南映門柳色碧毵毵畏人小築何辭
遠奉母移家豈待三人淨機心如野雀室無塵事抵
名藍年季夢斷梅花月何日從君仔細探

其二

白雲深處寄茆菴竹院花溪次第探風月平分懷仲

二謂濤思煙霞獨往待君三龍頭石鼎僊人句塵尾

松枝我輩談文義棋書都取去江東年少豈嫌貪

其三

結得蝸牛處士菴移文逋客早迴驂竹溪隱逸人同
六蒿逕過從友共三冠柳詞傳五柳宅別花人近百
花潭絕交書札裁還懶若此穉生更不堪

其四

雲北經過又水南江村幽事許誰諳丹青畫馬花成
五堅白論雞足有三鐵杵夢因消痼疾金針詩法許
深談僊源豈羨藍田墅啼鳥窗間寢正酣

其五

花時無酒亦長酣聞道屠蘇別有菴春泛羽觴波曲
九夜邀明月影成三松窗卧石還名醉竹筧分泉併
號憨繡佛也應耽米汁不妨蠻榼並步浪反經函

其六

軍持曉汲井華甘剖竹符教便了擔穀雨焙來槍放

一清風生處盃傾三松濤乍入雞蘇味蘭氣兼從玉
版叅他日相過無酒渴綠瓷花底暫停驂

其七

梵夾金經手自探六時彌勒與同龕蜂疑聽法拈花
一鶴伴經行繞佛三雲外空青延遠岫月來虛白印
寒潭衆香國裏機鋒少開遍寒梅始放叅

其八

喚作頑僊也自甘何當掃盡老生談訛欺溫尉又仍
八人愛方干拜止三遷轉酒徒兼麴部懺除花福禮

魚籃高人別有關心事蘭風除來候土蠶

其九

肯將捷徑問終南竹翠梅寒護草菴室比維摩纔廣
一樓如弘景未成三牛衣傍柳看收秫鴉嘴分畦課
種藍亦欲望衡同結隱逍遙秋水夜深談

其十

梅骨清寒柳態憨年華如此爾何堪詩書畫裏才名
獨水竹花前活計三得句豈須村媪解忘機聊共
昌滅反見郎談瑤華報我無餘話只道來禽未可函
天隨子集

試燈夜集張子齋中即事限韻

相顧真成耐久朋歡場來往亦無憑良宵杯斝重留

客淡月樓臺早試燈老愛何戡歌一曲

陸名揚在座
歌掌翁祇有

何戡未白
頭之句

談傾管輅酒三升分題漫有飛揚意顏玉

樽前恐不勝

十四夜二鄉齋坐雨分韻

不惜衝泥步屨遲傳來折簡便相隨詞人東閣淹裴
迪飲伴南鄰愛斛斯好借新詩徵酒債何妨微雨誤
燈期暗塵明月尋常事此夜清歡未許知

元宵招賓臣夜話即事同用燈字兼寄大年日

愚兄弟議分抄先中丞遺集
賓兄贊之甚力故有五句

逸興王猷此夜乘故人雞黍不嫌曾良宵對酒堪無
月細雨宜花又礙燈篋裏謗書空侘傺尊前豪氣各
飛騰風流祇憶侯都講共倒深盃擘剡藤

次韻和宣平移居

移家喜趁百花朝詩卷先憑蜀杖挑自有才名傾杜
牧何妨蹤跡比王樵綠波煖送螭頭舫碧草春連雁
齒橋從此隔溪明月夜醉吟還往莫辭遙

其二

峴南衡宇互因依咫尺芬芳孟母機金井啼烏看反
哺玳梁乳燕待雙飛幽蘭性本甘空谷寸草心難忘
夕暉羨爾承歡圖畫裏桃花春水坐漁磯

其三

今朝真與汝為隣任喚頑仙與逸民公瑾醇醪堪共
醉庾郎鮭菜豈知貧籃輿看竹拚侵夜笋屐尋花肯
負春更待柳塘安畧約荒園頻叩履綦新

其四

簞簞深鎖白雲隈更乞官梅繞舍栽五柳門前蓮社
近百花潭上草堂開詩同平子酬金錯書比蘭成號
玉盃莫道草玄還寂寞問竒應自有人來

其五

城市依然水竹居絕交書就閉門初清齋肯貸監河
粟委巷仍多長者車花醪浮杯春甕滿松肪泛研夜
窗虛良常問取陶貞白連石分封總不如

其六

黃磁綺石手親移摒擋蔬畦縛枳籬榻遶茶煙春雨

後窗橫花影夕陽時吹簫鳳女貽彤管點翰龍賓下
墨池倘許閒門頻剝啄詩筒棋局共棲遲

其七

一枝聊此寄幽栖老屋疎籬不厭低勝地便疑斤竹
嶺詩人多住浣花溪搯頤如意看雲坐劬藥長鑱趁
雨攜閒凭藤輪仙夢穩綠楊春鳥莫輕啼

其八

苔花門徑薜蘿垣近市曾無車馬喧寒具閒窗同評
畫春盤小墩又開尊流鶯欲傍簷牙語芳草偏宜屐

齒痕恰喜素心晨夕共底須卜宅向南邨

旅夜夢與西又大年談詩甚樂

媿惱情懷又晚春萍蓬聊寄旅游身敲窗急雨驚殘
夜背枕孤燈夢故人無定恰如屯戍已不眠真似守
庚申聯床差喜汪倫在潭水桃花一曲新

謂又新也

為德符世執題方瓢

百年喬木舊江鄉花不知名草自芳扶老杖攜筇竹
瘦水田衣剪芰荷香一龕乍穩游仙夢十笏新營選
佛塲多少隔溪車馬客安心何處覓神方

其二

風景依然第五橋招尋不惜馬蹄遙花源雀下千林
雪銀浦槎迴八月潮

槎浦以海客仙槎得名

綺里衣冠同隱逸

瓢

玄真僮僕也漁樵江村幽事憑君領不是詩筒即酒

江行雜詩

舊識錢塘路青春客興孤艱難隨旅食漂泊更長途
陵樹消王迹江潮失霸圖荒煙迷遠望酹酒重躊躇

其二

一舸淹晨夕平沙艤落曛江潮晴湧月山火夜燒雲
黑想蛟涎出腥愁虎氣聞明朝牽百丈回首白鷗羣

其三

挂席凌晨發江流百里平魚蝦爭水市豹虎近山城
擾擾非吾土蠹蠹託此生浩歌風雨急欹枕怒濤聲

其四

返照吹煙合桐江見底清圓沙斜有路山縣僻無城
淺草干花發深松獨鳥鳴老農微雨後短鋤話春畊

其五

溪山如畫裏曾此駐孤筇縹碧浮春浪空青斷晚峰
穿雲尋上藥擊水殷沉鐘更訪煙霞去桐君或可逢

其六

鷺鷥村下路停策弔沈淪大義存晞髮高風緬補唇
明時卅浪迹亂世得全身搔首嚴陵瀨南陽有故人

過方寸謝
翺故居

其七

赤制中興日羊裘理釣竿雙臺猶木末古廟自江干
斜景青天逼驚湍白晝寒登臨誰灑淚朱噉啖雲端

過釣臺

其八

輕舟憑弱纜曲折萬山中嶂合前川斷帆迴別港通
澗泉晴作雨溪樹暗生風雙塔孤煙際亭亭落照紅
其九

暝色三河戍人煙灌木中磬沈山寺雨燈閃石樓風
牢落無長策蠹零任短篷更思攜北釀霜信看丹楓

其十

稍覺蒲帆重篷窗雨氣昏亂雲吞遠樹曉霧失前村

市散山城閉林深水碓喧白鷗波浩蕩此意與誰論

其十一

一線溪流急長年冒險行奔湍迎磧怒亂石過船鳴
夾岸雷霆鬪中流尺寸爭乘流羨沽筏頃刻下江城

其十二

乘風欣上瀨數里又灘聲急峽船橫渡崩厓竹倒生
嶺猿移樹捷野鳥篆沙明牧笛歸何晚斜陽犢背橫

其十三

月白蘭溪道真成鏡裏游波平如在地坐穩不知舟

渡口明漁火雲邊認戍樓菱歌何處發吳語動鄉愁
其十四

水口松陰合山腰竹塢分林泉如有待樵牧自爲羣
藤絡將崩石峰遮欲度雲懸厓堪置屋吾欲伴匡君
其十五

繞郭一江斜輕舟閣淺沙漁簑依橘樹酒旆出梨花
姑蔑墟猶在龍丘跡未賒空林煙色晚疑是赤城霞
其十六

偃卧篷軒下遙憐牽挽勞輕身嘗虎豹野性狎猿猱
歲月隨流水生涯託怒濤吾生亦何事漂泊又江臯
其十七

城廻浮雲外舟移亂石間波光能奪月灘勢欲驅山
過險心猶悸思鄉髣欲斑君看松頂雀雲暝亦知還
其十八

不爲啼猿切臯魚泪自流蒿莪三逕廢風木萬山秋
粉壁尋遺迹斑衣失舊游白雲隨處滿更念倚閭愁
其十九

客路風光好登臨憶謝公花深曾坐處山好夢游中

句滿縹囊麗圖傳粉本工江天春樹遠筇屐與誰同
追憶舊游懷許青嶼侍御丙午夏同過三山有江行倡和

其二十

越江行欲盡小市枕山隅水次人家聚雲根鳥道紆
往來鄉語雜川路客心殊揮手辭三老籃輿入畫圖

上駙馬耿正公先生

五年踪跡隔朱門
崩劔重親笑語溫
贈縞難酬吳季子
買絲只繡趙平原
驚波似海仙翁夢
湛露如天聖主恩
俯仰茫茫悲喜集
夜闌秉燭與公論

其二

桐葉崇封白馬盟
鳳皇樓閣更崢嶸
百年志矢酬君父
三世交偏重死生
服御渾如寒士儉
紛華直似老僧輕
南宮圖像分明在
奕葉重垂好峙名

其二

鈎陳宿衛掌期門
副馬由來近至尊
白羽射生偏見賞
黃庭嚮榻獨承恩
螭頭共載天顏喜
鳳尾親題御札溫
魚水千秋傳盛事
漫泛戚畹論涼暄

其四

龍津春宴寵親臣
天語從容及隱淪
詞賦濫叨陪
竹苑姓名何幸達
楓宸千金骨正求
良馬五石瓢
終愧散人寒
峻自知同黍
谷惟憑吹律
轉陽春

杖左堂集卷二

後學金惟騃叔良

外孫程宗傳說巖

校

